

die Sonne auff/ vnnnd hñngegen zu was zeit dieselbige vntergehe.
Wann ich dann auß vorhergehenden Capitelbericht so viel ers
lerne/ daß die Sonne zu selbiger zeit / den 6. grad / vnnnd zwar ein
gut theil darüber. im Zeichen der himmlischen Scorptions / erlofs
fen/ vnd also daselbsten sich eingesezet hat.

Als rucke ich den Grad vñ Zeichen der erstgedachten Scor
ptions/ auff den ersten Almucantarach, das ist auff die Hori
zont lini/ im Auffgang/ vnnnd mercke fleissig / wo solche einander
antreffen.

Ferners zeuch oder rucke ich die Regel/ biß auff erstgedachs
ten durchschnitt / vnnnd sihe ganz fleissig was für eine Stundli
ni zc. dieselbige berühret / so befinde ich / daß solche beyleufftig 9.
minuten nach 7. vñhren im Auffgang zeigt / vmb welche zeit daß
die Sonne sich herfür thut.

Widerumb rucke ich diesen Grad vnnnd Zeichen des Scor
ptions/ auff die krumme Horizont lini (HORIZON OBLI
QVVS genennet wirdt) im Nidergang/ das ist gegen der rech
ten hand/ vnd wo derselbige Grad vnd Zeichen widerumben dies
se Horizont lini berühret / da ziehe ich die Regel hinauß / so bes
findet sich widerumben der 9. minuten für 5. vñhren. Das ist die 4.

Stund vnd 52. minuten nach Mittag / zu welcher zeit/ die
Sonn (in der obgedachten Polus höch 50. grad)
sich widerumben verbirget vnd
vntergehet.



Das